

Na osnovu člana 152. stav (4) Zakona o zdravstvenoj zaštiti ("Službene novine Federacije BiH", br. 46/10 i 75/13), a u vezi sa članom 11. stav (4) Pravilnika o kontinuiranoj profesionalnoj edukaciji iz zdravstvenog menadžmenta ("Službene novine Federacije BiH", broj 6/20), Zavod za javno zdravstvo Federacije Bosne i Hercegovine (ZZJZ FBiH) u saradnji sa Ekonomskim fakultetom Univerziteta u Sarajevu (EFSA UNSA) i Medicinskim fakultetom Sveučilišta u Mostaru (MF SVMO), uz učešće Medicinskog fakulteta Univerziteta u Sarajevu, Ekonomskog fakulteta Sveučilišta u Mostaru i Ekonomskog fakulteta Univerziteta u Tuzli, uz saglasnost federalnog ministra zdravstva, objavljuje

JAVNI OGLAS

za kontinuiranu profesionalnu edukaciju iz oblasti zdravstvenog menadžmenta

Federalno ministarstvo zdravstva u saradnji sa nosiocima edukacije iz zdravstvenog menadžmenta, organizuje nastavak provođenja kontinuirane profesionalne edukacije iz zdravstvenog menadžmenta, prema planu standardizirane edukacije (SHCE), u skladu sa članom 9. Pravilnika o kontinuiranoj profesionalnoj edukaciji iz zdravstvenog menadžmenta ("Službene novine Federacije BiH", broj 6/20), u daljnjem tekstu: Pravilnik o KPE.

Edukativni program obuhvata tri nivoa edukacije (SHCE 1, SHCE 2 i SHCE 3) u ukupnom trajanju od 240 sati nastave.

Nakon uspješno odslušane nastave i završene provjere znanja svakog nivoa, polaznici dobivaju certifikat ovjeren od strane Federalnog ministarstva zdravstva, koji ima snagu javne isprave i dokaz je o poznavanju određenog nivoa zdravstvenog menadžmenta.

U skladu sa članom 12. Pravilnika o KPE, edukacija iz zdravstvenog menadžmenta je dostupna zdravstvenim radnicima, zdravstvenim saradnicima i drugim profesionalcima zaposlenim u zdravstvenim ustanovama, privatnim praksama, zavodima zdravstvenog osiguranja i ministarstvima zdravstva, kao i drugim pravnim licima u sistemu zdravstva Federacije BiH.

U skladu sa navedenim, u prvoj polovini 2026. godine nosioci edukacije planiraju organizovati edukaciju iz zdravstvenog menadžmenta za:

- grupu do 25 polaznika osnovnog nivoa edukacije – SHCE 1
- sve polaznike srednjeg nivoa edukacije (SHCE 2) koji su uspješno završili SHCE 1
- sve polaznike naprednog nivoa edukacije (SHCE 3) koji su uspješno završili SHCE 2

Uslovi za upis na osnovni nivo edukacije:

- završen fakultet zdravstvenog ili drugog smjera, odnosno škola zdravstvenog ili drugog smjera;
- položen stručni ispit u stručnom zvanju samo za zdravstvene radnike.

Dokumenti koji se prilažu pri upisu na osnovni nivo edukacije (SHCE 1):

- popunjena prijavnica za KPE iz zdravstvenog menadžmenta;
- ovjerena fotokopija diplome o završenom fakultetu zdravstvenog ili drugog smjera, odnosno ovjerena fotokopija diplome o završenoj srednjoj školi zdravstvenog ili drugog smjera;
- uvjerenje o položenom stručnom ispitu (za zdravstvene radnike);
- potvrda o zaposlenju u sistemu zdravstva.

Ovjerene fotokopije dokumenta ne smiju biti starije od 3 mjeseca, a potvrda o zaposlenju u sistemu zdravstva ne smije biti starija od dana objave javnog oglasa.

Ukoliko je neko od polaznika završio edukaciju iz zdravstvenog menadžmenta u Federaciji BiH, odnosno izvan Federacije BiH, kao i u inostranstvu, potrebno je uz prijavu dostaviti i rješenje federalnog ministra zdravstva o priznavanju navedene edukacije izdato u skladu sa članom 43. Pravilnika o KPE.

Polaznici koji se prijavljuju na srednji ili napredni nivo edukacije po Planu i Programu iz Pravilnika o KPE, trebaju samo popunjenu i potpisanu prijavnicu dostaviti na kontakt e-mail u ZZJZ FBiH, ili MFSVMO ili EFSA UNSA.

Prijava za učešće na edukativnom programu je dostupna na web stranici ZZJZ FBiH (www.zzjzfbih.ba), EFSA UNSA (www.efsa.unsa.ba) i MFSVMO (www.mefmo.ba).

Kandidati koji upisuju osnovni nivo edukacije trebaju ispravno popunjenu i potpisanu prijavnicu s potrebnim dokumentima, u zatvorenoj koverti, lično ili putem pošte dostaviti u Federalno ministarstvo zdravstva, Titova 9, 71000 Sarajevo.

Na koverti navesti: Dokumentacija za prijavu na kontinuiranu profesionalnu edukaciju iz zdravstvenog menadžmenta.

Javni oglas se objavljuje na web stranici ZZJZ FBiH (www.zzjzfbih.ba), EFSA UNSA (www.efsa.unsa.ba) i MF SVMO (www.mefmo.ba), kao i u dva dnevna lista.

Rok za podnošenje prijave traje do 31. 1. 2026. godine.

Nepotpune i neblagovremene prijave neće se uzeti u razmatranje.

Početak edukacije planiran je u martu 2026. godine.

Raspored edukacije za sve nivoe bit će objavljen na web stranicama ZZJZ FBiH, EFSA UNSA i MFSVMO nakon isteka roka prijave.

Troškovi kotizacije po polazniku iznose:

za osnovni nivo	SHCE 1	1.600,00 KM
za srednji nivo	SHCE 2	1.800,00 KM
za napredni nivo	SHCE 3	2.300,00 KM

Obaveza polaznika je, da najkasnije sedam dana prije početka prvog modula edukacije uplate minimalno 1/3 iznosa troškova edukacije za određeni nivo, a ostatak iznosa najkasnije 10 dana prije završnog ispita. Dokaz o uplati polaznici su obavezni poslati na e-mail edu@zzjzfbih.ba, u protivnom neće moći prisustvovati nastavi.

Troškovi kotizacije se uplaćuju na Namjenski transakcijski račun Zavoda za javno zdravstvo Federacije BiH, broj: **1020 5000 0010 6698** otvoren kod **Union Bank d.d. Sarajevo**, sa pozivom na broj: **4005699600**, uz naznaku vrste prihoda **722613**, broja budžetske organizacije **2002001** i šifre općine **077**.

Za detaljnije informacije kontaktirati:

Zavod za javno zdravstvo Federacije BiH

Vukovarska br. 46, 88000 Mostar

Tel.: + 387 36 382 139

Fax.: + 387 36 382 116

E-mail: edu@zzjzfbih.ba

Medicinski fakultet Sveučilišta u Mostaru

Bijeli Brijeg bb, 88000 Mostar

Tel/fax: +387 36 335 600

E-mail: danijel.pravdic@gmail.com

Ekonomski fakultet Univerziteta u Sarajevu;

Poslovna akademija EFSA UNSA

Skenderija br.70, 71000 Sarajevo

Tel: + 387 33 564 354

Fax: +387 33 564 371

E-mail: lela.grubesic@efsa.unsa.ba

Broj: 01-33-**7301** /25
Sarajevo, 10.12.2025. godine

ZAVOD ZA JAVNO ZDRAVSTVO FEDERACIJE BiH
Ul. Titova broj 9

SARAJEVO

ZAVOD ZA JAVNO ZDRAVSTVO FEDERACIJE BiH			
10000 Mostar, Vukovarska 44			
Primljeno:	15. 12. 2025.		
Org.jed.	Klas.oznaka	Red.broj	Broj priloga
M-09-02-8-651		-1	25

PREDMET: Suglasnost, dostavlja se –

Veza: Vaš akt broj M-09-02-8-651/25 od 3.12.2025. godine

Poštovani,

Vašim aktom broj: M-09-02-8-651/25 od 3.12.2025. godine. zatražena je suglasnost na tekst javnog oglasa za kontinuiranu profesionalnu edukaciju iz zdravstvenog menadžmenta.

Postupajući po predmetnom zahtjevu, federalni ministra zdravstva, sukladno svojim ovlastima iz članka 11. stavak (4) citiranog Pravilnika o kontinuiranoj profesionalnoj edukaciji iz zdravstvenog menadžmenta (Službene novine Federacije BiH, broj 6/20), daje suglasnost na dostavljeni tekst javnog oglasa, a koji je sastavni dio ove suglasnosti.

S poštovanjem,

MINISTAR

Dr. Nediljko Rimac

Prilog: kao u tekstu

DOSTAVLJENO:

- Naslovu
- Arhiva

